

巴陵縣志

地270.69

38

13





巴陵縣志

同治十一年春月  
開雕板藏文星樓



序

予尹巴陵之四年吳南屏廣文所爲邑志旣成在事者請予言爲弁首巴陵予所事不得辭因進而告之曰君等知志之難乎史之是非人也其人與其子孫非必親見事繫朝廷懷嫌意忌者抑不得逞焉若以一人而志一邑平時里居相聞見徵逐往來一旦握三寸管進退儕輩且及其祖若父其欲借重吾一言者恆取必於疇昔之權以爲萬無不得理聽之或掩公不聽則兆釁而桀黠有氣力者目睽睽其旁廉跬而盜夷黑白而雄雌其徒黨相與倡和掎角必使吾不安於事雖強爲之非如水之激石卽懲弦而用韋朝刊暮削倏妍乍媿故其書久而難成

巴陵縣志

序

亦不可爲信以余所見往往類是此風俗人心之見端可悲者又不獨在志也巴陵舊志之修距今將七十年而兵事之興其間又多盲志者蓋幾紛糾而不可理廣文不勞而費集不辨而議塞縣之達官鉅族拱手噤聲以俟竣事而廣文則旣死矣卒無纖毫牴牾見於顏面詞色者此何故而能然哉如徒以其文也夫孰肯泯各私其親之意持大道爲公之懷以聽一人之是非耶余又以見巴陵之尊道德而重老成也由是以推其鄉先生必能本躬行爲化導其人士必能奉典型爲師保州居萃處必無挾意氣相陵轍者廣薰陶也篤愛敬也崇禮讓也息獄訟也而吏可臥而理矣豈非是邑與洩是邑者之幸哉余幸其然



而戒其或不然於是乎書至地方利害所在志已詳哉言之余  
不更論云同治癸酉秋涇縣潘兆奎序



巴陵縣志序

戊辰之冬敏樹自東遊歸而病時湖南兵事後興舉百務既衰錄軍戰死義事爲書遂續修通志大府徵預其事辭不赴先是省檄下州縣令各增輯其故乘以上皆以疲乏憚興事無以應至是檄催累下吾巴陵署縣粵西嚴侯又以其事見屬亦以病辭而舉邑士杜君貴墀己巳八月始爲局於郡學宮前之文星樓杜君以他事去吾從弟夢松與黃君海儀胡君應筠實主其草敏樹病稍差亦時往與商榷逮庚午之臘草具局撤私攜歸加整比且俟貲集今壬申始得以其書付刊板始末如是竊觀昔之語方志者或以簡少爲高或以事詳爲備是皆不易而吾

縣地衝要又山水名最天下其書當爲世考攬所必及甚懼以荒謬貽譏笑前志陳澈浦邑侯序中言爲志之難益多慮之矣今亦無能避之其條例微有更易考論時有所補皆不足道聊以備省局彙采之一編爾同治十一年十一月縣人吳敏樹序



舊乙丑志序

志與史相表裏者也太史公著八書班氏廣之爲十二志史與志之所由分也古諸侯之國大者不過百里皆有史以紀事凡山川民物風俗教化皆載之於史以備天子之采詢如十五國之風可概見也今郡縣有志猶侯國之有史其閒疆里庸調山川土物民俗之奢儉人文之盛衰凡居民上者披圖而覽焉若突有成局畫有成竹可不勞而就理志之關於有土者重矣然志之成也宜可一成而不變乃數十年後必加考訂而增損者何哉蓋時代變遷卽賦稅不無荒墾之殊人物不無遞起之異忠孝貞廉隨時

巴陵縣志

卷之首

舊序

而出者有人官署學宮修建遷移者不一倘執古以泥今未免刻舟之誚也編輯雖勞又惡可已乎予自己未夏承乏茲土值王師進捷軍需蠲集予以王事鞅掌其時馬困於虺隤驛疲於奔命凡芻茭糗糧釘頭竹木之類有非志典所載者未嘗不權宜綜理上無負國下不病民是又未可常格論也自癸亥甲子以來海宇清晏鄂州督憲大司馬潭州巡憲大中丞保釐屏翰以抒南顧之憂藩臬守巡各憲簡吏恤民用布旬宣之化郡憲李公廉明仁恕殫心撫字是以大法小廉罔敢或斲旋奉督憲檄修縣志承命之日卽撥尋舊志購求遺書兵燹後書缺有閒得舊



志一帙於灰燼之餘以爲藍本爰掃閒軒而集高士期與  
校讐門人中有盧子子建馮子登子龔子民載素以舉子  
業相質詢及邑乘舊事亶亶不倦若燭照數計明確可據  
乃與訂之曰志以紀信故史曰信史如志其所無其失也  
罔志其所疑其失也誣惟直筆無欺或先事以立例或後  
事以伸斷或錯綜以見義不虛美不諱過不遺事於詞中  
不溢詞於事外且予之蒞土者有年山川草木皆登臨之  
所及農桑井里皆履畝之所周耳濡目染各得其詳其於  
志山水則欲窮高而極遠志人物則欲闡幽而發微志賦  
式則欲中正而畫一志營建則欲引繩而切脈志市肆則

欲貨別而隄分諸如此類大抵皆不離乎實者近是二子  
曰唯唯於是各輸所見尤且訪之故老考之遺書缺者補  
之略者詳之華浮於實者裁而正之閒有新例不敢踵事  
以增華一篇之中三致意焉閱月餘而志成昔范蔚宗以  
其書比方班氏爲其樸而贍也若謂攀芳屈宋摘藻倚相  
則非志之所能擬焉今

聖天子畱心方域采輯民風其制治保邦之意益深遠矣敢不  
殫心竭慮體上憲憂國愛民之心以仰副

朝廷之睿慮也歟至於土瘠民貧鱗尾之魚亟宜芻牧則或  
爲晉陽之繭絲或爲陽城之撫字將以俟之後之君子時



康熙二十四年歲次乙丑夏月三韓趙士珩

舊丁酉志序

嘗閱天下圖志知楚爲澤國洞庭一湖延袤數百里接瀟湘跨鼎澧巨浸稽天洪濤汨地洶泱泱乎大風也岳陽介處湖濱巴陵爲附郭首邑禹貢過九江至于東陵東陵卽今巴陵實水陸衝繁地也余於丁亥春奉

簡命宰茲邑睹土瘠民貧方惴惴以撫字心勞催科政拙弗克勝厥任是懼遑云睇青螺十二覽奇觀八百以盡湖山勝概耶幸遇我

皇上御極五十有六年深仁厚澤溢乎四海超於百代諸憲臺

巴陵縣志

卷之首

舊序

三

良法美意休養生息者靡不周詳而篤摯誠亙古未有之盛也迺余自蒞任後迄今已歷十載前此勞勞於簿書錢穀罔有暇晷邇來政務稍已就緒因於退食時偶檢邑志見亥豕莫辨編次多淆如序城池於郵政後而創建倒置列學校於祀典中而文教弗崇況自甲子以來三十餘年間賦役戶口屢次均丈編審版籍已大殊於昔秩官科目歷年未經添註記載更有俟於今不急爲補輯其闕漏必多過此以往稽考無從漠然徒見山高而水清欲問其事則遺老盡矣可勝於邑哉爰與諸紳士商確僉云志宜增修今日急務也邑紳黃君實菴博學多才鍵戶著述爲楚



南名宿且畱意時務備極苦心余因敦請採訪軼事搜尋  
實蹟重加較讐積成卷帙俾事無遺美詳而有要書鮮闕  
文約而能該至前釐定次第改訂訛舛較前作者事半而  
功實倍之余特捐俸爲梨棗之費閱月告竣而邑志始備  
夫前事者後事之徵也後之君子涖茲土覃敷政教潤色  
鴻業其才當必有十倍於余者或覽邑志而流連亦可借  
往昔以昭來許云爾如謂踵事增華徒撫拾以新一時耳  
目也則吾豈敢康熙五十六年丁酉歲蒲月知巴陵縣事  
三韓王國英

又序

巴陵縣志

卷之首

舊序

四

國有史邑有志原以信今而傳後也古者小司徒掌邦國  
之史記言記動外史掌四方之史採山川民物風俗貞淫  
政治得失以獻於王典至重也事各有攸司矣況其時設  
專官以世厥職如漢司馬談遷父子皆秉筆成書故史記  
爲諸史冠歷代稱信史焉然文恪公猶謂班固沒而後世  
不復有史非無史也以事不核其實恆難取信於奕禩國  
史且然又奚論乎一邑自嬴氏郡縣天下而後四方各具  
紀載此杜氏通典馬氏通考所由作也夫郡邑有志幾於  
汗牛充棟而或貶非其地易於蠹朽掌非其人易至散逸  
且經數十年不一補綴則以損益殊制而闕略滋多者有



之或歷數十百年始一纂修則以時代云遙而稽考靡從者有之是志之難信以傳也較史爲尤甚東陵附郭岳陽左枕巴邱右踞洞庭天岳君山聳其秀九江五瀦匯其流雖夙稱名勝而實則南北交衢水陸要區也前此兵燹屢經事之廢興不一故志之詳略亦異粵自甲子歷元以來世臻平治運際昌隆

聖天子久道化成賢公卿甯人敷政躋海宇於仁壽之域已闕一世有餘矣在

朝廷則蠲租之令頻下於直省而減荒之

旨特頒於敝邑不大書不克昭

巴陵縣志

卷之首

舊序

五

皇仁之浩蕩在草野則土田日以闢生齒日以繁廢墜日以舉而且庠序日以設爵秩日以遷人文日以盛不特書亦非所以重國計民生也邑侯王公蒞茲土已十稔每於政暇時披覽邑乘見歲將三紀制皆闕如慮將來文獻之無徵愬然爲重修計而余亦深慨其殘缺失次也久矣有志竊未逮迺公不以余不敏造余廬屬余增訂因不揣固陋咨時政訪故老或得諸傳聞或出自睹記爰取舊志補其殘缺序其失次撰小序十餘首弁其端故志星野則察占候祥異而天文瞭如指掌矣志疆域則載山川城池暨風俗土宜而輿地較若列眉矣志建置則自解署倉庾及隄防



水利戰守而歷來沿革皆可燭照而數計矣且食貨志則賦役均戶口詳焉學校志則尊崇著教化洽焉秩祀志則鬼神敬典禮明焉至於秩官存年表紀治績也選舉列姓字重科目也人物附僑寓與列女無遺媿也而藝文月爲一卷勿淆於雜志則以山川不能語洩而爲文章而經國大業不朽盛事不且於茲發其精華也哉善夫昌黎有言曰莫爲之前雖美弗彰莫爲之後雖盛弗傳是役也趙侯鏤板於前王公增刊於後美旣彰矣盛且傳矣以文章飾吏治兩公有焉仁瞻

朝亡之上纂修國史成一統全志卽以所見所聞之辭徵信

巴陵縣志

卷之首

舊序

六

於今留貽於後則邑乘所載亦可備輶軒者之采風問俗而與金匱石室之藏蘭臺芸閣之選同垂千古秀且願樂觀其盛矣時康熙五十有六年歲次丁酉仲夏月邑人黃秀

舊癸亥志序

巴陵縣志垂成紳士寓書求序於余余爲之瞞然慙也余之始至巴陵也欲修三眼橋集闔邑紳士謀之紳士復於余曰橋之功鉅用費不時集功將不繼曷修志乎余謂橋之用費廣而修之易志之用費減於橋而成書則甚難率然而修志亦知其所以難乎考古常患其遺採今常患其



濫邑鮮藏書將何所資以考古乎舊志之佚久矣三十年  
爲一世百二十年爲四世文無徵獻亦無徵將何所資以  
採今乎吾聞先哲之言曰君子之所以著書者以其明道  
也紀政事也察民隱也樂道人之善也又曰君子立言不  
爲一時事固有言在一時而行其言收其效於數十百年  
之後者此皆余夙昔之所服膺而心嚮往之者也況乎志  
爲紀事之書民生之利病繫焉似又不徒矜其博與覈而  
已也余齒髮衰遲心血耗散烏能從事於斯哉紳士因請  
不已余重違其意乃集邑士之能文者設局以處之俾分  
門纂輯邑人徐湘浦者嘗於乾隆癸卯歲奉泰和姚夫子  
之命從學於余邇年湘浦養親不仕老屋數椽近在岳陽  
樓下俾董其成余以壬戌九月朔至巴陵明年正月創始  
修志比六月余瓜代行矣又明年夏始成書吾里胡赤城  
先生纂海鹽縣圖經四十卷積一生之力以成之而後無  
毫髮之憾又嘗見杭太史堇浦先生修海甯州志五年而  
成同時老輩尙有舉其挂漏致書誚之者今巴陵縣志何  
其成之之速耶蓋有迫以不得不速者也使曠日而持久  
用費又將焉繼湘浦與同事諸子有苦心焉當余去巴陵  
之日甚慮書之不克成而竟克成殊可喜也顧余之慙終  
無可釋矣嘉慶九年四月廿又一日積雨新霽澈浦陳玉



垣脫橐於耒陽縣官舍

巴陵縣志

卷之首

舊序

本



巴陵縣志目錄

卷首

序 修志姓氏 目錄 輿圖

卷之一

沿革 有表 考地

卷之二

城邑

城 土門 街巷 溝渠 公署 監獄 坐棚 廢署  
兌糧遞運所 校軍廠 火藥軍裝局 鄉都 河泊所  
鎮市 關隘 隄院 陂塘 堰 橋梁 驛遞

巴陵縣志 卷之首

目錄

古城

卷之三

山水

卷之四

賦役上 有表

戶口 田賦 雜課 雜稅 鹽政

卷之五

賦役下

起運 解支 存留 奏銷 屯政

卷之六



積貯

常平倉 社倉 城中新社倉 漕倉

蠲恤附 養濟院 普濟堂 惠民局 救生船 敦善堂

救生官局 漏澤園 救火具 監犯口糧

卷之七

學校

學宮 禮樂 學宮圖 師職學額 學規 送學

書籍 學田 書院 書院書籍 書院公業

闔邑鄉會公 文誼莊 義學 四鄉義學

卷之八

巴陵縣志 卷之首 目錄

二

典禮

慶賀 迎春 釋菜 耕藉 鄉飲酒 鄉射 賓興

祀典 邑祀 民俗廟祀

卷之九

武備上

兵防 民壯弓兵 塘汛 驛傳 鋪遞 軍器

卷之十

武備下

兵事

卷之十一



風土

風俗 生理 節序 土產 方言

卷之十二

職官上

卷之十三

職官下

卷之十四

名宦

卷之十五

藩封

巴陵縣志

卷之首

目錄

三

卷之十六

選舉

薦辟 進士 明通榜 舉人 副榜 恩賜

恩拔歲優貢 武選 武勳 軍功保舉 援例

出身無考 附 封典 恩廕

卷之十七

人物

名碩 賢能 忠義 孝友 篤行 文學 武略

隱逸 義行 附 壽民 流寓 方外

卷之十八



列女上

卷之十九

列女下

附壽婦

卷之二十

名蹟

樓臺 古蹟 冢墓 寺觀

卷之二十一

詩文

楚辭 唐賦 宋賦 國朝賦

巴陵縣志

卷之首

目錄

四

卷之二十二

詩文

六朝詩 唐詩上

卷之二十三

詩文

唐詩下 南唐詩

卷之二十四

詩文

宋詩 金詩 元詩

卷之二十五



詩文

明詩上

卷之二十六

詩文

明詩下

卷之二十七

詩文

國朝詩上

卷之二十八

詩文

巴陵縣志

卷之首

目錄

五

國朝詩下

卷之二十九

詩文

歷朝文

卷之三十

雜志



巴陵縣志修輯姓氏

主修

署

巴

陵

縣

知

縣

嚴鳴琦

巴

陵

縣

知

縣

潘兆奎

編纂

壬辰科舉人五品銜前任瀏陽縣訓導邑人

吳敏樹

甲午科舉人前任永綏廳訓導邑人

吳夢松

廩

貢

生

邑

人

杜貴墀

戊午科舉人大挑一等知縣邑人

黃海儀

廩生舉孝廉方正以教職用邑人

胡應筠

巴陵縣志卷之首

姓氏

辛未科進士戶部員外郎邑人

方功瀚

參訂

廩

生

邑

人

古維新

廩

生

邑

人

徐漢章

生

員

邑

人

黃龍驤

監

生

邑

人

張史華

生

員

邑

人

汪焮

繕書

童

生

邑

人

徐瑞蘭



各里採訪紳士姓氏

生 姚宗寬

廩 趙鏡霄

附 劉倬雲

生 易鳳璋

廩 劉春山

職 杜天植

職 馮士楷

職 童湘帆

歲 孫振金

職 任丹林

生 周 楨

貢 周梓材

生 龔黼林

生 陸維崧

監 鄒楚藩

職 張運秋

監 費理賓

歲 王士清

歲 許欽梓

生 李重晉

生 姚 慶

生 李兆蓉

生 楊兆琛

生 傅秉忠

監 周良士

生 彭會嘉

生 彭漢臣

生 李運培

生 黎遠文

職 童策勳

職 羅亮有

廩 蔣文蔚

生 徐祖修

職 顏 丹

生 方應時

職 何存閣

巴陵縣志 卷之首

生 任邦池

廩 王大渲

廩 林廷鑑

姓氏

二



輿圖

凡志惟地圖最難圖之難在道里相去遠近四向皆得其  
的故分之而可見其詳合之而交錯不易向來邑志祇有  
縣境一圖余嘗觀之就余居近所熟經處已覺方向參差  
圖將安用又為城垣府縣治衙學宮岳樓君山等圖皆可  
謂虛勞界畫者也胡湘杜徵君素諳量地之法因徧歷縣  
鄉脈其山水較其里數又舟歷華容湘陰湖界處一例以  
陸地準之凡為總圖一分圖六既成細按之無不合者若  
官中有事某鄉或事發某所按之盡得要領此圖之所為  
用也吳敏樹識

巴陵縣志 卷之首

輿圖

東至湖北武昌府通城縣界一百四十里西至華容縣界一百  
二十里南至長沙府湘陰縣界一百二十里北至湖北荊州府  
監利縣界三十里東北至臨湘縣界一百二十里西北至華容  
縣界一百二十里東南至平江縣界一百三十里西南至長沙  
府湘陰縣界九十里東西廣二百六十里南北袤一百五十里



巴陵







郡城西北抵江岸  
湖岸東南則以油  
港新牆河劃斷為  
一圖是處皆枕杞  
山及岩嶺之脉所  
分布者也

巴陵縣志


卷之首

輿圖

三




四十八洞及荷塘二三都  
以沙港新牆河湖岸劃斷  
為一圖是處皆平江界老  
鴉尖之脉所順布者也











巴陵縣志 卷之首


輿圖

五



沙港東岸從平江  
界茂田起至三港  
壻止前以油港劃  
斷為一圖是處皆  
白雲山之脈所分  
布者也






巴陵縣志

卷之首

輿圖







巴陵縣志

卷之首

輿圖


七

自石首南堤潰決水勢分入洞庭而石首公安鄉龍陽沅江益陽華容巴陵水災特甚湖身被泥沙淤淺冬日本水落湖之西北洪路只存一線重舟皆不能行有心民瘼者宜急思補救也

洪水港向不通江近年江漲衝貴水勢愈橫此巴陵切近之災也







巴陵縣志 卷之首

輿圖說

圖說

山脈

巴陵卽古東陵以山得名者也凡大阜曰陵高而長者曰嶺山脊曰崙橫山曰嶂銳而峻者曰尖邑皆有焉邑東南多大山其自平江幕阜西南入巴陵境者由老鴉尖三分其支右支則自黃花嶂起小水尖轉東溪洞兩港洞諸山上則沙港繞之下則饒港界之中一大支起渭洞之削坡尖雲霧尖風雨尖至柘山西走由龍過嶺轉界牌起胡椒山凡上至磊石斜下至九馬背順下至新墻之相公嶺縱橫數十里皆其山脈柘山以上萬山叢立高峯插雲龍過



嶺以西生峯者僅胡椒山餘皆平岡逶迤者也左支界於平江爲青水嶺抱石嶺北斗嶺卽入湘陰境此邑中東南諸山之脈絡也其自平江幕阜入東北境者由團山來至巴陵界爲雞罩山白石山古崙峯其山半隸巴陵半隸湖北之通城又東北起白雲山屹然爲眾山之宗至此亦分三支左起相思山右起通城之箬姑山中則由銅鼓山黃旂坳至孟城起大雲山高峯際天橫亘二十餘里其陽則巴土陰則臨境但臨湘蝦蟆石之水合龍窖山水以界於後轉桃林下西塘爲油港以界於右沙港以界於前故山雖大而出脈不遠不過較相思山脈僅至小港而止者爲

差勝耳而邑中山脈悠遠逆上而有力開嶂而生峯者惟巖嶺一脈焉巖嶺半隸臨湘脈自箬姑龍窖北走至枇杷山始起巖嶺落張古坳則分爲二一支起崑山至洪山由長陵頭而爲黃茆山於是分枝布葉爲天馬爲五龍爲靈屋左至梧桐山成山燕巖而止右至千旗山九龜扁山而止又一支起白石嶺鳳凰山金鶚山由圓通寺轉爲巴邱山則郡城實跨其上左則爲雷轟紫荊右則爲城陵七里又上爲九華此邑中西北濱湖諸山之脈絡也河西皆洲地惟洪水港之上則有墨山天井珠日樊陀諸山橫列焉然皆半隸華容惟君山屹然於湖中論者謂君山脈由九



龜山至筵烏頭石至黃石穿江而起堪輿家所謂奔洪脈者實非也秋冬水落見君山與後洲相連洲由華容接彝陵彝陵古西陵梓湖文集謂君山爲東陵論雖創而理實足矣大抵巴陵之山君山則來自巴蜀餘皆祖乎幕阜幕阜又從豫章來五嶺以下水歸洞庭山起幕阜與蜀來山水大會於此此巴陵爲山水之大觀也歟

### 水源

巴陵之水北通巫峽南極瀟湘皆會於三江口東注者也而邑中眾山之水則西向而歸於湖其歸湖之處有三一曰南灌口一曰南津港一曰白泥湖南灌口卽古微湖水

經所云湘水過下雋縣西微水從東來注之者是南津港卽澧湖水經所註湖之右岸有山世謂之筵烏頭石石北右會翁湖口水者是白泥湖在大微湖之下俗名上荷塘湖三者之中惟南灌口又承沙港油港龍灣港三水蓋貫通邑之中而納其眾流者也沙港源自平江團山來曲折行眾山中五六十里至板港入巴陵境東北行三十里至斬龍潭又西行六十里至三港觜與油港會油港發源於臨湘之龍窖山百餘里至西塘入巴陵境又三十里至三港觜與沙港會龍灣港之源一自枇杷山南流一自巖嶺南流各流三十餘里會於小橋嶺下合流爲龍灣港又



二十餘里至三港背與沙油二港會三港同出新墻河五  
十里乃至南灌口入湖焉南津港上納北港之水北港納  
白石嶺崑山洪山之水出三眼橋北港之南有小水曰南  
港納黃茆山西境諸小水至羊角山與北港合出三眼橋  
北港之北有水曰大橋港上納雷轟山鳳凰山諸小水同  
出三眼橋又十餘里至南津港入湖邑中最南有二小水  
一曰平橋港納胡椒山前後之水出白泥湖一曰學士港  
納化錢壩獅子陵諸小水入白泥湖又南有柘港發源青  
水嶺出關王橋轉湘陰入湖又北境高橋小水其源亦止  
十餘里由臨湘象骨港入江惟此二水一南一北入江入  
湖不在邑境焉至若河西洪水港上納樊陀天井諸山之  
水由採桑湖入洞庭今則江流衝決又爲江水之分支北  
隄愈高南水愈大巴陵勝狀固在洞庭一湖而有心時事  
者每觸目驚心矣